



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 01-05-3581-87/19 KM  
Sarajevo, 10.07.2019. god.

**SKUPŠTINA KANTONA SARAJEVO**  
**SARAJEVO**

**PREDMET: Odgovor na „Zastupnička inicijativa“**

U prilogu dopisa dostavljamo Vam odgovor na pokrenutu zastupničku inicijativu na 5. Radnoj sjednici Skupštine Kantona Sarajevo održanoj dana 27.02.2019. godine, a od strane zastupnice Arijana Memić.

**Inicijativa:**

„Pokrećem inicijativu za obnovu i rekonstrukciju trolejbuske mreže od raskrsnice kod bivše zgrade Američke ambasade do naselja Šip.  
Molim nadležno resorno ministarstvo da se izjasni o istoj.

**Obrazloženje:**

Realizacijom ove inicijative bi se uspostavio trolejbuski saobraćaj do ovog novoizgrađenog naselja koje svaki dan ima sve više stanovnika, te ujedno iskoristila postojeća infrastruktura, odnosno stubovi. Korištenje trolejbusa i svih drugih prijevoznih sredstava na strujni pogon u razvijenom svijetu je trenutno ekološki najprihvatljiviji oblik gradskog prijevoza.

S obzirom da su u toku pripreme za implementaciju projekta izgradnje kružnog toka u naselju Šip, realizacija ove inicijative bi se mogla nasloniti na pomenuti projekat kroz eventualno doprojektovanje, a time i iskorištavanje ovog kružnog toka kao okretnice za ovo gradsko prijevozno sredstvo. Inicijativa bi se mogla realizirati u saradnji sa kantonalnim Ministarstvom saobraćaja i KJKP "GRAS" u čijem bi poslovnom interesu bilo proširivanje korištenja gradskog prijevoza i do ovog naselja. Također bi se njena realizacija mogla smatrati prvom fazom sanacije kompletne trolejbuske mreže na nekadašnjoj relaciji prema Općini Vogošća.

Koristi od realizacije ove inicijative bi imali stanovnici novoizgrađenog naselja, ali i svih drugih susjednih naselja, koji od okončanja agresije nemaju redovan gradski prijevoz. Neophodno je istaći i da bi se realizacijom ove inicijative značajno unaprijedio kvalitet života stanovnika, jer bi na najjeftiniji način bili uvezani sa svim drugim dijelovima grada.

Posebno bi to bilo bitno učenicima, studentima, radno aktivnom stanovništvu, a posebno penzionerima koji isključivo koriste subvencionirane kupone gradskog prijevoza. Sigurno bi to



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



doprinijelo i smanjenju upotrebe vlastitih motornih vozila, koji su najveći uzročnici zagađenja zraka u našem gradu.“

**Odgovor :**

Do konačnog saniranja trolejbuskog saobraćaja na predratni nivo ostala je dionica od raskrsnice ulica: Alipašina i Bolnička (kod objekta stare Američke ambasade) u Sarajevu do naselja Vogošća u ukupnoj dužini od oko 8 km. Ministarstvo saobraćaja Kantona Sarajevo je „Planom javnih nabavki za 2019. godinu predvidjelo sredstva za izradu „Glavnog projekta izgradnje/rokonstrukcije trolejbuske kontaktne mreže od Skenderije do Vogošće“.


Nakon pripreme Projektanog zadatka za izradu „Glavni projekta izgradnje/rokonstrukcije trolejbuske kontaktne mreže od Skenderije do Vogošće“, što je bio preduslov za pokretanje postupka javne nabavke izbora projektanta. U toku je procedura javne nabavke izbora projektanta za izradu projektne dokumentacije. Nakon izrade Glavnog projekta raspolagati će se svim potrebnim podacima (obim neophodnih radova: sanacija stubova kontaktne mreže sa zamjenom teško oštećenih ili uništenih i postavljanje novih stubova, na mjestima gdje nedostaju, nabavka i montaža novog ovjesnog materijala i opreme za izgradnju trolejbuske kontaktne mreže, građevinska sanacija objekata elektrovučna podstanica "Hotonj" i elektrovučne podstanice "Vogošća" te potrebnim finansiskim sredstvima, idr.) koji će biti referentni za pokretanje postupaka koji prethode samoj izgradnji trolejbuske kontaktne mreže i uspostavi trolejbuskog vida prijevoza.

Takođe vode se aktivnosti za realizaciju nabavke novih trolejbusa koji će imati autonomiju saobraćanja do 10 kilometara bez kontaktne mreže, što će stvoriti pretpostavke za modeliranje pojedinih linija trolejbuskog saobraćaja koje nisu striktno vezane za trasu kontaktne mreže.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



MINISTAR

Adnan Šteta



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

